

تۆرك يوردى

تۆرك اوماقلىرى مركزى ھېيتى طرفىدە نشر اولغور.

نومرو ۳

كانون اول ۱۳۴۰

جلد ۱

خطابه

روشن اشرف بکک آنقره تورک اوجاغنده ضیا کوک آلپ
احتفالنده ایراد ایتدیکی خطابه

اسمئی تجیل ایچون بویله بر مراسمیله مرثیه سویلهیه جکی بوندن یکریمی کون
اول هانکی خطییک عقلنه کلیردی ؟ اونک ایچوندرکه چوغی بوآنی قلاکت
قارشیسنده نه آکلاناچغنی اطرافیه تثیت ایدمدی .
زیرا او ، هنوز حیاتنک اورتهسنده وکالنک باشنده ایدی . ایرمندن سوکره
وولته رکبی مفتونلرینک مظفر آله قویاجنی اکللی قاننک صیجاقلغنی اوستند
دویاجق براختیار یاشه بیله کلهمدی .
غیب ایتدیگمز آدم برعلم ولیسیدی . بوده اسکی خراسان ارلرینک روم دیارینه
کلدیکی اوزون یوللاردن کلدی . بونک کتابلرینی طاشیدیان کاروانلر اوستهده وقتیه
جلال الدین رومینک ، سلطان العلمانک تصوفی جلدلرینی صارارتمش توزلرقوندی .
فقط غریب بر جلوه اولارق بوصوک مرشد بزه شرقدن غربی کتیریوردی .
هکبه سی ایچنده تصوف یرینه مثبت علمار واردی . آمدک قدیم سوزلری ایچنده
یکی برجوشش منعی کشف ایتشدی . سلائیکه وبالخاصه استانبوله اوکشف ایله
کلدی ، طبقی تاریخلرک آیری فصللر آچارق ذکر ایتدیکی دیار آشیری اسکی عللر
کبی . . . بویله حه یکی سسلری وسوزلریله اسکی بلدهلری تسخیر ایدمن عزیزلرکی
استانبول علمنی فتح ایتدی : اوکلدیکی کوندن بری دیلر باشقه دیل اولدی .
دیله کمز باشقه دیلک اولدی . اونک ارشادیه ایچمزه باقدق . وکندی جوهریمیزی
بولدق . « غربک ته قنیک ، تورکک حرثی » شعاری هانکی واسطه لرله هانکی بوله
کیده جکنی بالخاصه کنج کزیده لره کوستردن مشعلدر .
سوزینک فیضی ادبیاتده ، اقتصادیاتده ، اجتماعیاتده ، حتی سیاسیاتده تجلی ایتدی .

بو اعتبارله تاریخ انکار ایده جکمیدر که بر اوندن اولکی تورک عرفانی ، برده اوندن سوکره کی تورک عرفانی وارد .

او بر بابا ایدی . تورک جمیعنک مادی و معنوی بوتون احتیاجلرینی دماغنده طاشیان و اطرافه طاشیران ، قابلیتلی او یاندران و جامدلی سیالله شیرین بر بابا ! .. ضیا بکله اثری بکاستانله سلیمانیه یی دوشوندورویور . قوردینی قبه نك یانی باشنده ضیا بکده بوینی بو کوك بر تواضعه اوطوروردی .

لر و مسز قونوشمازدی ، علمی سیر ایچون گلش بر حیران صانیردیگز . آتش کی کوزلری بو ا- ارلی دورغونلغی کیده رن یکانه اشارتلردی .

فقط او علم کانه بر نقطه دن دو قوندیکز می برایشیق فوارده سی جوشاردی . زیرا کوك آلپ اوصافماز طلبه واک طبیعی بر مدرسدی . نظرنده کائنات صانکه بر مکتبیدی . ضیا اورادن او کره نیر و اونک ایچنده کیلره او کره تیردی . علم اونک آغزنده و یازیسنده قورو بر معلومات سلسله سی ده کیلدی . سیال بر تلقیندی . اونک ایچون بر ساعت اونکله قونوشان اونک طلبه سی ، اونک حیرانی اولشدر . درسنک ساعتی و مکانی یوقدی . سقراط کی مخاطبلرینه ، تلیذلرینه سواقده ، اوطه ده ، باغچه ده و کرسیده دائما بیلکیسنک زلالنی صوناردی . علملرک اک مثبتنه واک عصر یسنه ایشته بویله جه عاشقدی . و صوکنه قدر بویله باغلی قالدی . اونک ایچون علمی خود انیش دکل ، غیر اندیشدی . روحلرک داغینقلغی ، قابلیتلرک آواره لکنی دکل ، جمعیتی ایستردی . بو کون مملکتک هر طرفنده اولان زمروی طویلانیشار بر آزده اونک الهامندن دوغما دکلیدر ؟

شیمدی ده یکر می کون اول بویوک آطه نك بوش بر اوطه سنده یاناخی باشنده کچیردیکم ساعتی دوشونیورم . او کون او فی نه چوق دیکله مشدم و اوندن نه یکی شیلر او کره مشدم . او فی حیاته دعوت ایدن سوزلر سویله دم ، باشقه درلو دوشونه بیلیر میدم ؟ فقط اونک سوزلرنده برخسته نك شکواسی یوق ، بر صوصامشک طول املی واردی .

او کون یالکز آنده بر فنا خبر سه زهر کی اولمشدم . رنکی فجیع شیلرک

یاق۷ شدیغنی آ کلاتیر برچوروکلک کولکه سیله حرکتسز ، بروداع حزیه دورغوندی . اونک رنکی حیاتک رنکی دکلدی .

هیات ، آره دن چوق کچمه دی . برمرکز کبی دورغون بو آدم منسوب اولدیغنی جمیته : شرقیسنه ، مصراعنه ، مکتبنه ، معاشرتیه برنور کبی سرایت ایتدکن صوکره کوزلرینی یومدی .

حیاتنده « فردیوق ، جمییت وار » دیردی ، کندیسنک غالباً جمییت کبی بر فرد اولدیغنی اونوتارق . . . تابوتنک اطرافنده کی اوکزیده و معشری غلبه لق فکرلرینک ، کندی اطرافنده طوپلانش مشخس منظره سندن بشقه برشیمیدی ؟

ضیانک حیاتی ، هیچ شبه یوق ، اک خیرلی برحیاتدی . ضیانک بر اقدیغنی بوشلغنی آنجق بریکی ضیا دولدیره بیله جکدر . فقط او یکی ضیانی ، کیم بیله ، برحیاتمزدده بر داها کوره بیله جکمی یز ؟ زیرا بودنیاده بر بویوکلک یتشمه سندن داها کوچ وداها نادر برشی یوقدر .

روشن اشرف